



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Præceptori Et Fratribvs Hospitalis sancti Samsonis Constantinopolitani.

urn:nbn:de:hbz:466:1-20020

insigni videlicet plenitudinis pontificalis officij, curabimus destinare, qui & sciet & poterit cum sapientiae divinae potentia commissam sibi Ecclesiam spiritualiter & temporaliter gubernare. Quod si non omnes &c. duo vestrum &c. Datum Laterani v. Idus Martij, pontificatus nostri anno tertio decimo.

R. ET A. ATHENIENSIBVS
& magistro G. Dimicenſi Canoniciſ.

Epif. 14.
De congrua
portione Ca-
nonicorum
Thebanorum.

CVM olim ad petitionem dilectorum filiorum Canonorum Ecclesiae Thebanae dilecto filio Nazoreensem electo & suis conjudicibus dedissemus nostris litteris in mandatis ut venerabilem fratrem nostrum Thebanum Archiepiscopum admonerent eisdem Canonis portionem de rebus Ecclesiæ suæ congruam assignare, idem Archiepiscopus, prout nostris auribus est relatum, monitionibus illorum inductus, consideratis redditibus ejusdem Ecclesiæ ac facultatibus universis, medierat earum Canonis contulit memoratis liberaliter: qui tandem humiliter postularunt à nobis ut concessionem hujusmodi dignaremur auctoritate apostolica roborare. Quocirca discretioni vestrae per apostolica scripta mandamus quatenus concessionem ipsam, sicut provide facta est, faciat firmiter observari, contradictores per censuram ecclasiasticam appellatione postposita compescendo. Quod si non omnes &c. duo vestrum &c. Datum Laterani vi i. Idus Martij, pontificatus nostri anno tertio decimo.

THEBANO ARCHIEPISCOPO.

Epif. 15.
Mandatur ei
ne vexet Cano-
nicoſ.

Dilecti filii Thebani Canonici nobis grauiter sunt conquesti quod tu pro qualibet levi causa, juris ordine prætermisso, sententiam excommunicationis in ipsos saepius jaculari præsumis, cumque propter varia maris & terræ pericula, pro beneficio absolutionis habendo ad nos accedere nequeant, Ecclesia sua saepissime hac de causa ulterius quam deceret debito servitio defraudatur. Ne igitur nimium deferendo prælatis, subjectos opprimere videamus, fraternitatì tua per apostolica scripta mandamus quatenus in Canonicos ipsos præcipitare sententiam contra juris ordinem non præsumas, sed ita satisfacias de injuriis super hoc irrogatis eisdem quod justam de te materiam non habeant conquerendi. Alioquin pro certo cognoscas quod si nobis super hoc fuerit iterata querela, officij nostri debitum conquerentibus reddeamus. Datum ut in alia pet totum.

ATHENIENSI ARCHIEPISCOPO
& suffraganeis eius.

Dilectus filius nobilis vir O. de Roca Dominus Atheniensis per litteras nostras vestram petiti providentiam admonebit ut in castris suis & villis, in quibus duodecim Latini abundantes certas habuerint mansiones, proprios sacerdotes, quibus integrè à Latinis laicis decima perfolvantur, instituere curaretis; præsertim cùm iidem laici sint parati huicmodi Prebyteris, quibus decima non sufficerent, providere. Quocirca fraternitati vestra per apostolica scripta præcipiendo mandamus quatenus petitioni ejusdem nobilis super hoc, prout videritis expedire, benevolum præbeat is assensum. Alioquin dilecto filio magistro R. Decano Davaliensi & B. Cantori & Terrico Canonico Thebanis deditis in mandatis ut veritate super hoc diligenter inquisita, illam nobis studeant fideliter intimare. Datum Laterani &c. ut in alia per totum.

Scriptum est ipsi super hoc in eundem ser-
modum usque in finem. Quod si non omnes
&c. Datum ut in alia per totum.

PRÆCEPTORI ET FRATRIBUS
Hospitalis sancti Samsonis Constantiopolitanis.

Anuer confuevit sedes apostolica
piis votis, & honestis petentium pre-
cibus favorem benivolum impertiri. Ea
propter, dilecti in Domino filii, vestris
justis postulationibus grato concurrentes
assensu, castellum quod Garelis vulga-
ter appellatum vobis cum pertinentiis suis
carissimum in Christo filius noster Henricus
Constantiopolitanus Imperator pia libe-
ralitate donavit, domos quoque, casalia,
terræ, vineas, & possessiones alias, sicut
ea omnia justè ac pacifice possidentis, vo-
bis & per vos domui vestrae auctoritate
apostolica confirmamus & præfentis scrip-
ti patrocinio communimus. Nulli ergo
omnino hominum licet hanc paginam
nostræ confirmationis infringere vel ei &c.
usque incursum. Datum Laterani xviii.
Kal. Aprilis, pontificatus nostri anno ter-
tiodecimo.

PATRIARCHA
Constantiopolitano.

Si tua fraternitas consideraret attentè
quod ab uno patre descenderimus uni-
versi, & quod non sit personarum accep-
tio apud Deum, sed ei de omni gente qui